

修丹妙用至 理论

佚名

文硕阁

wenshuoge.com

目录

关于我们	3
修丹妙用至理论	5

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

修丹妙用至理论

经名：修丹妙用至理论。作者不详。内引青霞子、张果、刘海蟾及《灵宝毕法》等，当出於北宋。以论外丹为主，兼涉内丹。一卷，底本出处：《正统道藏》洞真部方法类。

修丹妙用至理论

夫修生者，本以为身。身济则神存，神存则成真。如此必有至药服饵，遂至灵通。且古之贤哲，多能晓达此术。是后世慕学之徒，至於罄产竭资，穷年终老，而未闻有能达到者，何也。盖不惟自昧所见，以失来训，抑又恃於寡闻，故无由得尽於至理。或咽津导气，以为修持。或遗形定慧，乃名真一。甚者又取五金八石滓质之物，妄加锻炼，冀有成功。是皆庸下浅生，岂迹玄元妙旨。然虽此道说有多途，而超凡之因，不离还丹一法。余忝生际遇，获承师传，安敢独善其身。聊着九篇，曰《火候诀》，略为一卷，以接来者。学道君子，无轻示人，致招罪愆，累及九玄七祖，慎之慎之。

卦气一

道生於一，一为药之祖。故始於十一月，冬至一阳而生复，二阳而生临，三阳而生泰，四阳而生大壮，五阳而生夬，六阳而生乾。五月夏至，一阴而生姤，二阴而生遁，三阴而生否，四阴而生观，五阴而生剥，六阴而生坤。起於一阳，尽其升降，周十二卦气毕功。其药在鼎，如子在胞，上水下火，以顺阴阳，得木味而酸，得金味而辛，得火味而苦，得水味而咸，终四季归中宫，得土味而甜。

火候二

每自冬至，阳气起於涌泉，复卦用事，终於乾，六卦为阳候也。夏至阳极阴生，姤卦用事，终於坤，六卦为阴候也。周十二月，尽二十四气运用，而合天符三百六十度，昼夜皆依漏刻中，夺取正气，神鼎中合炼汞铅，此即运火之机要也。凡一年三百六十日，合四千三百二十时，每日日一暮各系一卦。成七百二十卦计多数，夺得四千三百二十年正气，在金鼎中。圣人蹙之，一月中有三百六十时，系卦三百六十爻，应三百六十日一年之候。又夺得一年内四千三百二十年正气，在一月之中。又蹙此六十卦气候，於丑日六十时内，为一小周，计三百六十爻，应一年之候。又夺得一月内一年三百六十爻，四千三百二十年正气，在於五日之中。复以两日半周，合三十时，应三十日，系卦三百六十爻，应一年之候。又夺得五日内一年四千三百二十年正气，在两日半中。又从此分三十卦，一百八十爻，应半月十五日用事。复将此十五日，配於十二位中，自子至巳六辰，系卦一百八十爻，应冬至后到夏至前，一百八十日为半年。自午至亥六辰，亦系卦一百八十爻，应夏至已后到冬至前，

一百八十日为半年。凡一月三百六十时，应一年，合四千三百二十时，象四千三百二十年，内除卯酉二位为沐浴之月，一年内合数除七百二十时，实得十个月运用火候，只计三千六百时，象三千六百年，合天符三百六十度之数也。其沐浴传在口诀，自古不载文字，得者深宜秘之秘之。

药诀三

真铅八两，真汞八两，右二味正一斤。每两有二十四铢，计三百八十有四，应易卦之爻数，以合一年有三百六十日，并二十四气，均其火候。内除六十日，是卯酉金丹沐浴之月，所得三百日三千六百时，夺三千六百年之黑，为真丹成就之积数，丹螯之功见於此矣。火候有斤两。初一月半斤，二月一斤，三月一斤半，四月二斤，五月二斤半，六月二斤，七月一斤半，八月一斤，九月半斤，十月四两。每十日一加，以至於臧。如候药成，寒定后开，虑失精气。盖火生於寅，王在午，墓在戌。且以一千八十時計之，夺得天地大数三周，其药已变红色，光辉夺目，乃谓之小还丹。内包五色，外形一体，其要在用八卦以应其月，推卦气以尽其候。人以十月成胎，丹以十月脱胎，人道相通，阴阳造化，自然符会。《黄帝经》曰：日月有数，小大有定，圣功生焉，神明出焉。此之谓也。

正疑四

或谓《玉壶颂》以黄芽十月熟，又海蟾先生有八月秋石望月开之言，何也。盖十月者，火候之数。八月者，气运之方。大丹炼养之道，不出阴阳之理。若阴阳差错，卦气殊谬，岂得成功也。然前贤言此，实有所谓不可旁文求之。故《龙虎论》云：三年功积，百日为期。又云：须存卯酉，运火坎离。此亦隐意，相为表裏。非通人说，未易言之。

或曰：丹成可以目击而见之乎。曰：昔阴君长生有言，老时紫，嫩时青，熟时红，若不可见，安得云此。曰：如是乃外丹欤。曰：岂独外也。且五金八石然皆外也，以滓质为之，并为死类，亦无长生之理。况大要在内真外应者，为还丹之功也。仍取阴阳气候，不可差失。

太玄真人曰：人之和气，冬至起於涌泉。涌泉者足心下也。十一月至膝，十二月至股，正月至腰，谓之三阳成。二月至膊，三月至项，四月至顶，为纯阳用事。夏至起於涌泉，五月至膝，六月至股，七月至腰，谓之三阴成。八月至膊，九月至项，十月至顶，为纯阴用事。此乃天地阴阳，盖不离人身也。

东平先生曰：学道人消息取捉，取四蛇并二鼠。大哉言乎，尽此矣，其贼性命之机也。君子得知，则夺取五行之气，阴阳之精，还源返本，而复归於真、一。小人得之，则轻易而反以自贼也。能知此者，可不慎欤。《老子》曰：吾言甚易知，甚易

行。天下莫能知，莫能行，诚谓此也。

甲庚五

每月初八，暮月见於庚。月属水金所生，故日上弦铅半斤也。至二十三日，且见於甲，逼日所出，水来克火，火去消金，故曰：下弦汞半斤也。二气交结，娠为夫妇，坎离既济，上下相依，会合中宫，包五行气生而出土，谓之黄芽。亦如人之有生，皆因受气成质。自然之道，不可以智知，所炼大丹，体亦如此。《元皇上经》曰：始青之下月与日，两半同升合为一。出彼玉池入金室，大如弹丸黄如橘。中有佳味甜如蜜，子能得之慎勿失，审能修之天相毕。此之谓也。

五行六

天一生水而润下，为玄武，位应北方，卦主坎，藏主肾，色主黑，其味咸，於物为铅。盖因乾元正气而生，号曰中男。外象太阴而内阳者，玉兔也。阴极阳生，故铅中出金，谓之阳，真砂是也。地二生火而炎上，为朱雀，位应南方，卦主离，藏主心，色主赤，其味苦，於物为砂。盖得坤元正气而生，号曰中女，外象太阳而内阴者，金乌也。阳极阴生，故砂中出汞，谓之阴，真汞是也。天三生木而曲直，为青龙，位应东方，卦主震，藏主肝，色主青，其味酸，於物为汞。盖坤初受乾之气而生，号曰长男，火花也，为天魂。万物以之生，谓之木精是也。地四生金而从革，为白虎，位应西方，卦主兑，藏主肺，色主白，其味辛，於物为金。盖乾三偶坤之气而生，号曰少女，水花也，为地魄。万物由之以成，谓之大丹头是也。天五生土而稼穡，为勾陈，万物之母，位应中宫，藏主脾，色主黄，其味甘，於物为四黄。盖铅汞乘此而含养，受五气足而生黄芽，乃丹砂之城郭，谓之金鼎是也。

凡修大药，非鼎不载。亦要四象备，水火交，铅汞亲，龙虎应，卦气合，不失阴阳，炼成真丹。经曰：孤阴不生，孤阳不成，一阴一阳，其道乃昌。此之谓真五行也。然五行知有相生，而不知有相制，则不能为用。惟真人为能见其为用之机，而贼取之，以成就其服食之丹，遂逃出阴阳之外，而独立纯阳之表，返与造化齐功。经曰：芽为金，以金伐木。砂为火，以火销金。铅为水，以水灭火。水既盛，以土镇之。感乎其类，制乎其气，此之谓相反制也。盖所见去俗远矣。

药证七

铅汞为丹，非世间铅汞。四黄为柜，非世之四黄。此三者皆生於天地之先，受阴阳气结成，因其配合，而产黄芽，盖为三五一一是也。青霞子曰：芽若是铅，弃铅万里。芽若非铅，从铅而始。铅为芽母，芽为铅子。既得金花，舍铅不使。此言极是泄机，乃凡人不可解也。虽然得铅已真，而汞或不亲，是谓孤阳，孤阳不可为丹。谓其龙虎之气走失，而火候不时故也。是以魏公亦尝言炼银於铅，神功自然灰也。铅

沈银浮，谓之黄芽。其性微热，其味甘，已是长生之宝。然孤阳之芽，未可独立，须合以汞，为雌雄黄芽，盖谓此也。

或者曰：铅汞既非世间物，将何以为实。曰：天地之精，日月之根，阴阳之髓，水火之源，龙虎交合，刚柔互用，始於一三而终五，皇谓万物之母。故天真皇人称天有玄一，生於太阳，名为流珠，众妙之门，诀而留之，可得长生。人有三人，其居不同，兼能守之，可为仙王，是真汞也，安得无其实，而名之为药乎。

或者又曰：铅汞既真，何以有生。曰：《刘公秘旨》云：欲得长生，当修所生。涓子亦云：夫求道修长生，如接树焉。将已有命，资未来之命，此是生生相续之理，故号大药。人得服之，岂不超世。设有智士，虽或得门，而不知火候，合天符而未为精达，傥谓不然，则丹经不云：五行匹配，八卦相连。而太乙真人亦不云：金丹虽铅汞之神功，道在五行之妙用也。是知后学多迷不至者，盖在火候无功，五行为疏。然则包真君云：八月炼头冬至取。逍遥子云：七日烧成白马牙。青霞子云：十个月成丹。又云：三月药成红紫色，既有火候何异端。如此曰三年功，十月胎，是谓之要，而诸家之说，略见其用耳。求其所致，则不异也。

具用八

坛三层，取净好土，无砂石黑杂为上。仞列四面，应四时，又应四月纯乾用事。每层高尺二寸，应年有十二月，日有十二时。置炉高满尽，应八卦。加鼎於上，鼎高三尺，应天地人。有三足，应三生万物之象。上列九宫，应九星。其鼎有十病，亦宜细看。其坛下广三丈六，应三十六旬。中广二丈四，应二十四气。上广丈六，应二八一斤之数。先必斋洁焚香，排镜剑，挂繒彩，列金银信币，乃与弟子升坛，按卦气，看火候，以成就大药。盖示不为慢易也如此。

九转九

九转者，谓其药在神鼎中，运用火候，每百日三转，应三年之大数，夺得天符正气一千二百年之功，三三合九，当其九转，是夺得三千六百年之功，应九年之大数，而大丹始成。故《内经》谓一片火轮，九年丹熬者是也。真人张果曰：白汞生朱砂，黑铅化黄芽，三三合九数，变化有三般。又有以九转之后，复制为一十八转，为三年之功。《毕法》曰：．．一年为小还，二年为中还，三年为大还。又曰：药一年已下，虽堪服食，终受气不足。盖其说亦要在三化为功也。《黄庭经》云：通利天道存玄根。百二十年犹可，还过此守道，诚甚难。唯待九转八琼丹，则运火应卦，以修大丹，不可不审知此也。

修丹妙用至理论竟